

Ymgynghoriad ar geisiadau i awdurdodi tri chynnyrch bwyd Canabidiol (CBD) fel bwydydd newydd – Awst 2025

Statws: Agored

Dyddiad lansio: 28 Awst 2025

Dyddiad cau: 20 Tachwedd 2025

I bwy y bydd yr ymgynghoriad hwn o ddiddordeb yn bennaf?

Pob busnes bwyd yng Nghymru, Gogledd Iwerddon a Lloegr, awdurdodau lleol ac awdurdodau iechyd porthladdoedd, a rhanddeiliaid eraill sydd â buddiant mewn diogelwch bwyd.

- Cynhyrchwyr a chyflenwyr CBD, bwydydd newydd, mewnforwyr, dosbarthwyr, a chyfanwerthwyr a manwerthwyr
- Cymdeithasau Masnach y Diwydiant Bwyd sy'n ymwneud â bwydydd newydd a CBD
- Defnyddwyr a'r cyhoedd
- Grwpiau ymgyrchu sydd â buddiant mewn CBD a chynhyrchion bwyd CBD
- Sefydliadau sy'n cynrychioli buddiannau defnyddwyr yn y gadwyn fwyd
- Awdurdodau gorfodi ar draws y Deyrnas Unedig (DU), gan gynnwys awdurdodau lleol, awdurdodau iechyd porthladdoedd, a chynghorau dosbarth?

Pwnc yr ymgynghoriad

Mae'r ymgynghoriad hwn yn ymwneud â thri o geisiadau am fwydydd bwyd sydd wedi'u cyflwyno i'w hawdurdodi ym Mhrydain Fawr. Yn ogystal â'r ymgynghoriad hwn, rydym wedi cyhoeddi dogfen ar y cyd gan yr Asiantaeth Safonau Bwyd (ASB) a Safonau Bwyd yr Alban (FSS), yn cynnwys argymhellion rheoli risg ac asesiadau diogelwch ar gyfer y geisiadau. O dan Fframwaith Windsor, gellir rhoi Canabidiol synthetig (CBD) a gymeradwyir ym Mhrydain Fawr ar y farchnad yng Ngogledd Iwerddon, os ydynt yn gymwys ar gyfer Cynllun Symud Nwyddau Manwerthu Gogledd Iwerddon (NIRMS), a'u bod yn cael eu symud drwyddo. O dan delerau NIRMS, dim ond nwyddau manwerthu wedi'u pecynnu ymlaen llaw y gellir eu symud i Ogledd Iwerddon, felly ni fyddai'r Cynllun yn caniatáu i fusnesau sydd wedi'u lleoli yng Ngogledd Iwerddon gynhyrchu eu cynhyrchion CBD eu hunain, ond byddai'n gyfreithlon iddynt fewnforio cynhyrchion wedi'u cynhyrchu ymlaen llaw o Brydain Fawr.

Diben yr ymgynghoriad

Mae'r ymgynghoriad hwn yn rhoi'r cyfle i randdeiliaid gyflwyno eu safbwyntiau ar awdurdodi bwydydd newydd. Bydd yr ASB yn ystyried adborth gan randdeiliaid er mwyn hysbysu gweinidogion Cymru a Lloegr cyn iddynt wneud penderfyniad, gan roi'r wybodaeth ddiweddaraf am y sefyllfa i Weinidog Iechyd Gogledd Iwerddon.

Rydym yn ceisio adborth ar y telerau awdurdodi arfaethedig, ein hasesiad o'r effeithiau posib a nodir yn y pecyn ymgynghori, ac unrhyw dystiolaeth bellach a allai fod gennych ar effeithiau ychwanegol y dylem eu hystyried. ?

Mae Safonau Bwyd yr Alban (FSS) yn cyhoeddi ymgynghoriad cyfochrog ddiwedd yr haf i lywio penderfyniad gweinidogion yn yr Alban yn yr un modd.

Pecyn ymgynghori

Mae'r pecyn ymgynghori hwn yn darparu'r wybodaeth gefndirol, y manylion a'r cwestiynau y bydd angen i chi eu gwybod er mwyn ymateb i'r ymgynghoriad hwn. Mae hefyd yn darparu dolenni i ddogfennau technegol yr ASB/FSS ar gyfer yr argymhellion rheoli risg a'r asesiadau diogelwch. Mae'r ddogfen ymgynghori lawn ar gael ar y tudalennau canlynol hefyd:

[Pecyn ymgynghori ar geisiadau i awdurdodi 3 chynnyrch bwyd CBD fel bwydydd newydd](#)

England, Northern Ireland and Wales

PDF

[Gweld Annexes - Consultation on applications for authorisation of 3 Cannabidiol \(CBD\) food products as novel foods August 2025 as PDF\(Open in a new window\)](#) (1.37 MB)

Sut i ymateb

Dylid cyflwyno ymatebion i'r ymgynghoriad hwn [drwy'r arolwg ar-lein](#). Os nad yw hyn yn bosib, gallwch ymateb trwy anfon e-bost i:

E-bost:?RPconsultations@food.gov.uk

Enw:?Awdurdodi Cynhyrchion Rheoleiddiedig i'w Rhoi ar y Farchnad

Is-adran/Cangen:?Gwasanaethau Rheoleiddiedig

Os byddwch yn ymateb trwy e-bost, nodwch a ydych yn ymateb fel unigolyn preifat neu ar ran sefydliad neu gwmni (gan gynnwys manylion unrhyw randdeiliaid y mae eich sefydliad yn eu cynrychioli), ac ym mha wlad rydych wedi'ch lleoli.

Cyhoeddi crynodeb o'r ymatebion

O fewn tri mis ar ôl i'r ymgynghoriad ddod i ben, byddwn yn anelu at gyhoeddi crynodeb o'r ymatebion a chynnwys dolen iddo ar y dudalen hon. Gallwch ddod o hyd i wybodaeth am sut yr ydym yn trin data a ddarperir mewn ymateb i ymgynghoriadau yn ein [hysbysiad preifatrwydd ynghylch ymgynghoriadau](#).

Mwy o wybodaeth

Os bydd angen y ddogfen hon arnoch mewn fformat sy'n haws i'w ddarllen, anfonwch fanylion at y cyswllt a enwir ar gyfer ymatebion i'r ymgynghoriad hwn, a bydd eich cais yn cael ei ystyried.

Mae'r ymgynghoriad hwn wedi'i baratoi yn unol ag [egwyddorion ymgynghori llywodraeth y DU](#). Os oes Asesiad Effaith wedi'i lunio, bydd wedi'i gynnwys yn y dogfennau ymgynghori. Os na ddarparwyd Asesiad Effaith, nodir y rheswm dros hynny yn y ddogfen ymgynghori.